



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Hierakosophion

Demetrius <Pepagomenus>

Lvtetiae, 1612

xxxiiij. Ad accipitrem, qui plumas mutauit, tuendum contra omnem morbum.

**urn:nbn:de:hbz:466:1-12846**

tur, singulorum scrupulum: tragacanthæ  
elotæ, piperis, petroselini singulas sex-  
tulas, mellis quod satis sit. arida contunde,  
& liquidis permisce, hisque vttere, vt ante  
dictum est. hoc illitum & datum cum  
carne, valde auxiliatur.

*Medicamentum omni tempore purgans  
caput accipitris.*

**P**EDICULARIÆ grana mundata qua-  
tuor, arsenici scissilis, quod satis sit. di-  
ligenter simul ex vino austero tere, atque  
ex eo guttas duas naribus instilla, vel po-  
tius inspira, quo facilius in palatum trans-  
mittatur. hoc discutit omnem crassam pi-  
tuitam. sed ante hanc purgationem vtile  
vti hac viuendi ratione. Nitrum album  
diligenter tritum in nares immitte, vinum-  
que vetus ore sumptum in nares inspira,  
aut pinnam vino madefactam in os & fau-  
ces tanquam spongiam exprime.

*Ad accipitrem, qui plumas mutauit, tuendum  
contra omnem morbum.*

**C**OSTI, castorij, euphorbij, laseris, sin-  
gulorum scrupulum, pediculariæ gra-  
na tredecim: contunde, cribro incerne,

E ij



obline accipitrem, tuebere ab omni ægritudine.

*Ad conseruandos pullos accipitrum.*

**F**OLIUM sicilicum, piperis, carpobalsami, singulorum scrupulum, laseris sesquiscrupulum, contrita cribrata commisce cum melle, quod satis sit, hisque alline.

*Remedium ad morbum comitalem.*

**S**I comitali morbo conuellitur accipiter, ei coctam vespertilionem comedendam præbe, & sanus fiet: aut hædi cerebrum, quod per annulum aureum tractum sit, præbe manducandum.

*Si conuulsionibus corripitur.*

**C**YPERI, musci, herbæ nuncupatæ drymytatæ, oenanthes, lactis caprini, urinæ, stercorisque humani æqualia pondera, arida trita, liquidis mista infundantur.

*Quibus subita vertigines obuersantur.*

**S**IGNIFICATIONEM accipiter huius morbi dat. nam subita vertigine corripitur, neque stare potest. Sumito pediculariæ grana quinque, ipsaque trita & cri-